

PAGESUSI GIYA 2

Atong Touhan Ang Bibliya

Mga inila nga rebelde sa kasundalohan mitundag sa barko sa Britania “Ang Bounty” ug mipahaluna sila uban sa ilang mga nitibo nga mga asawa sa mamingaw nga isla sa Pitcairn sa kasadpang pasipiko. Ang grupo adunay siyam ka mga British nga marinero, unom ka Tahitan nga lalaki, napulo ka Tahitan nga babaye, ug usa ka babaye nga 15 anyos. Usa sa mga marinero naka diskobre unsaon paghimo ug bino sa alcohol, ug wala madugay ang kahubog mikuyanap sa tibuok Isla. Panagbugno ug panag-away sa kalalakihan ug kababayehan nagtubo sa violente nga pagbinayloay. Wala madugay usa lamang sa orihinal nga mga lalake nga nakaabut sa Isla ang nabuhi. Apan kini nga tawo, si Alexander Smith, nakadiskobre sa Bibliya sa usa sa mga kaban/baol nga ilang nakuha gikan sa Barko. Nagsugod siya pagbasa niini ug gitudlo-an ang uban kung unsay gisulti sa Bibliya. Samtang siya naghimo niini ang iyang kaugalingon nausab, ug hangtud nga ang tanang kinabuhi sa isla nausab.

Ang mga taga-isla hingpit na halayo gikan sa sibilisasyon sa ubang nasud sa kalibutan hangtud naka-abot ang Barko sa America nga “TOPAZ” sa tuig 1808. ang mga trepolante sa Barko nakakita sa Isla nga malamboan nga komunidad nga walay bino, walay bilangoan, walay krimen. Ang Bibliya nagusab sa Isla gikan sa imperno nga yuta ngadto sa kalibutan nga gusto sa Dios. Busa kini nagpabilin hangtud karon.

Ang Dios ba sa gihapon nakigsulti sa katawhan pinaagi sa mga panid sa Bibliya? Sigurado sa kanunay pagahimoon niya. Samtang ako nagasulat niini, akong gilantaw ang tubag nga papel sa usa ka studyante sa usa sa among korso sa Bibliya. Usa ka nota sa ubos gisulti, “Ania ako sa bilangoan, gisentenciahan nga patyon tungod sa usa ka krimen. Sa wala pa nako kuha-a kini nga kurso sa Bibliya, nasalaag ako, apan karon aduna na akoy lantawon sa unahan, ug nakaplagan ko ang bag-ong gugma.”

Ang Bibliya adunay gahum nga makapausab sa kinabuhi sa katawhan; kon ang katawhan magtinuod sa pagtuon sa Bibliya, ang mga kinabuhi may mabulokon nga kausaban.

1. UNSAON SA DIOS PAGPAKIGSULTI KANATO PINAAGI SA BIBLIYA.

Human sa paglalang ni Adan ug ni Eva, ang unang lalaki ug babaye sa kalibutan, ang Dios nakigsulti kanila nawong por nawong. Apan sa dihang mibisita ang Dios human sila makasala, unsay gihimo sa magtiayon?

“Ug nadungog nila ang tingog sa Dios nga nagalakaw sa tanaman sa kabugnaw sa adlaw, ug nanagtago ang tawo ug ang iyang asawa gikan sa atubangan ni Jehova nga Dios, sa taliwala sa kakahuyan sa tanaman.”—Genesis 3:8

Ang sala nakababag sa nawong por nawong nga pakig-uban sa tawo uban sa Dios.

Human makasulod ang sala sa atong kalibutan, giunsa sa Dios pagpakigsulti ngadto sa tawo?

“Sa pagkatinuod ang Ginoong Jehova dili magbuhat sa bisan unsa gawas kong ang iyang tinago ipadayag niya sa iyang mga alagad, ang mga manalagna.”—Amos 3:7

Ang Dios wala magabiya kanato diha sa kangitngit mahitungod sa kinabuhi ug sa kahulogan niini. Pinaagi sa iyang mga manalagna nga mga tawo ang Dios nagtawag aron pagsulti ug pagsulat alang kaniya. Iyang gipadayag ang iyang mga tubag sa dakong mga pangutana sa kinabuhi.

2. KINSA ANG NAGSULAT SA BIBLIYA?

Ang mga manalagna naghatag sa mensahae sa Dios pinaagi sa tingog ug lapis samtang sila nagkinabuhi, sa diha nga sila namatay, ang ilang mga sinulat nabuhi human kanila.

Kining mga panagna nga mga mensahe gitigum tanan, ilalum sa mga pagmando ug paggiya sa Dios diha sa libro nga atong gitawag nga Bibliya.

Apan unsa ka kasaligan ang ilang mga sinulat?

“Kinahanglan inyong mahibaloan kini, una sa tanan, nga walay propesiya diha sa kasulatan nga arang makahimo sa kinaugalingon nga pagpanabut. Tungod kay wala may propesiya nga miabut pinaagi sa kabubut-on sa tawo, hinonoo minandoan sa Espiritu Santo nanagpanulti ang mga balaang tawo sa Dios.”—2 Pedro 1:20,21

Ang mga manunulat sa Bibliya nagsulat dili sa ilang kaugalingong kabubut-on, apan sila minandoan sa spiritu sa Dios. Ang Bibliya kaugalingong libro sa Dios!

Diha sa Bibliya ang Dios nagsulti kanato mahitungod sa Iyang kaugalingon ug nagpadayag sa iyang katuyoan alang sa tibuok katawhan. Nagpakita sa paghanduraw sa Dios sa miagi, ug nag-abli sa umalabot, nagsulti kanato unsaon sa problema sa dautan sa katapusan masulbad ug unsa ang kalinaw moabut sa atong kalibutan.

Ang tanan ba sa Bibliya mensahe gikan sa Dios? “Ang tibuok nga kasulatan gituga sa Dios ug may kapuslanan alang sa pagpanudlo, alang sa pagpamadlong, alang sa pagpanul-id ug alang sa pagmatuto sa pagkamatarong, aron ang tawo sa Dios mamahingpit, masinangkapon alang sa tanang maayong buluhaton.”—2 Timoteo 3:16,17

Ang Balaang kasulatan makaapekto sa katawhan sa halawom nga panghunahuna tungod kay ang “Tanan” sa Bibliya “Ginhawa sa Dios,” minanduan nga documento, libro sa Dios. Ang mga profeta nagsaysay unsay ilang nakita ug nadungog sa tawhanon nga sinultihan, apan ang ilang mensahe gikan directa sa Dios. Busa kon gusto nimong mahibaloan kung unsa ang kinabuhi, basaha ang Balaang kasulatan. Ang pagbasa sa Bibliya makausab sa imong kinabuhi. Sa kanunayng mainampoon nga pagbasa niini, mas dugang kalinaw sa hunahuna nga imong masinati.

Ang maong Balaang Spiritu nga nagdasig sa mga profeta pagsulat sa Bibliya, nga makahimo sa mga pagtudlo sa Bibliya, sa iyang mensahe, nga epektibo sa pag-usab sa imong kinabuhi kon imong imbitahon ang Spiritu nga motambong samtang ikaw magbasa sa Bibliya.

3. ANG PANAG-UYON SA BIBLIYA.

Ang Bibliya sa tinuod librariya sa 66 ka mga libro. Ang 39 ka mga libro sa Daang Tugon gimugna gikan sa 1450 B.C. hangtud sa 400 B.C., ang 27 ka mga libro sa Bag-ong Tugon gimugna gikan sa A.D 50 ug A.D. 100.

Si Profeta Moises nagsugod sa iyang unang lima ka mga Libro sa Bibliya niadtong wala pa ang 1400 B. C. Si Apostol Juan nagsulat sa katapusang libro sa Bibliya, ang Pinadayag, niadtong A.D. 95. Panahon sa 1,500 ka mga tuig taliwala sa pagsulat sa unang libro ngadto sa katapusan libro sa Bibliya, adunay 38 ka dinasig nga manunulat ang nakahimol sa ilang mga sinulat. Ang uban mga nigusyante, ang uban mga mag-balantay sa karnero, mananagat, mga sundalo, mananambal, magwawali, mga hari. Mga katawhan gikan sa tanang bulok sa kinabuhi sila kanunay nagakinabuhi kasupakan sa kultura ug pilosopiya.

Apan aniy kahibulongan sa tana: sa dihang ang 66 ka mga libro sa Bibliya uban sa ilang 1,189 ka mga kapitulo uban sa 31,173 ka mga bersikulo gi-ipon tanan, atong nakita nga hingpit ang panagkauyon ug haum sa mensahe nga ilang ipasabut.

Pananglitan usa ka tawo nanuktok sa imong pultahan, sa dihang gipadayon kini, nagbutang ug dili pares nga marmol sa imong salog, dayong lakaw nga way pulong gisulti. Ang ubang bisita misunod hangtud mga 40 ka tawo, ang matag usa nagbutang sa ilang mga marmol nga napahalana.

Sa dihang ang katapusang tawo nakalakaw na, imong nakita sa katingala nga usa ka matahum nga statuwa nagbarog sa imong atubangan. unya imong nahibaloan nga ang tanang mga magkukulit wala magkinit-anay tanan, nangabut gikan sa nagkalain-laing dapit sa kalibutan. Unsay imong ikadugang sa pagtapus? Nga adunay nagplano sa statuwa ug nagpadala sa matag tawo sa insakto nga buluhaton alang sa iyang gipabuhat nga marmol.

Ang Bibliya sa kinatibuk-an nagtumong sa usa lang ka hiniusa nga mensahe, sama sa hingpit nga statuwa nga marmol. Usa ka utok ang nagplano niining tanan, ang utok sa Dios, ang halandumon nga paghiusa sa kasulatan naghatag pamatuod nga bisan ug ang tawo mao ang nagsulat sa mga hunahuna, apan sila minandoan sa Dios.

4. MAKASALIG IKAW SA BIBLIYA

(1) Ang pagpreserbar sa Bibliya halandumon ang tanang unang mga sinulat sa Bibliya pinaagi lamang sa kamot dugay nga mga panahon sa wala pay buhaton sa pagprinta. Ang mga scribe naghimo ug mga kopya gikan sa orihinal ug kini ilang gi-apud-apud. Nilibo ka mga kopya sa maong sinulat ug ang uban niini hangtud karon na-a pa.

Ang Hebreo nga mga sinulat sa daang tugon nga 150–200 ka mga tuig sa wala pa si kristo ,kini nakita didto duol sa Dead Sea sa tuig 1947. katingalahan nga kining duha ka libo ka tuig nga linukot nga sinulat insakto gayud nga haum nga kamatuoran atong makita sa daang tugon sa Bibliya na giprenta karon. Mao kini ang gamhanang ebedencia unsa ka kasaligan ang pulong sa Dios.

Ang unang mga sinulat sa mga apostoles sa bag-ong tugon nga ilang gipadal ngadto sa kristohanong mga Iglisiya natukod human sa pagkamatay ug pagkabanhaw ni Kristo. Kapin sa 4,500 ka mga sinulat sa tanan o kabahin sa bag-ong tugon kini naka palastar sa dakong museum ug librarya sa Uropa ug as Amerika. Ang uban niini pinitsahan balik sa ikaduhang siglo.

Pinaagi sa pagtandi niining unang mga sinulat sa Bibliya karon, kita makaandam sa paglantaw nga ang bag-ong tugon usab nagpabilin na wala mausab sukad sa unang pagsulat niini.

Karon ang Bibliya o mga bahin niini gihubad ngadto kapin sa 2,060 ka mga pinulongan ug mga sinul-tihan. Ang pinakamaayong baligya sa tibuok kalibutan, kapin sa 150 milyones ka mga Bibliya ug bahin sa Bibliya nabaligya sa matag tuig.

(2) Ang katukma ug kasibo sa kasaysayan sa Bibliya halandumon kaayo. Daghan ang mga pagdis-kobre sa karaan nagpamatuod sa kasibo sa Bibliya. Ang mga manunulat nakakaplag ug mga tabliya ug mga monumento nga bato nga nakahatag ug kahayag sa mga ngalan, dapit, ug mga panghitabo nga kanhi nahibaluan lang gikan sa Bibliya.

Sama pananglitan, sumala sa Genesis 11:31, si Abraham ug ang iyang pamilya “Milangyaw gikan sa UR sa mga kaldeanhon pag-adto sa Canaan (ang yuta sa saad) tungod kay ang Bibliya lamang ang nagsulti sa UR, ubang scholar nagsulti nga walay ingon nga ciudad nga milungtad. Unya ang mga archeologist naka-kaplag ug tore sa templo sa kasadpang Iraq nga adunay Cylinder sa punoan nga nakasulat ang ngalan UR. Dayon gipadayag nga ang UR usa ka na-ugmad nga metropolis sa edukado nga civilizasyon. Ang pagka-inila sa ciudad nakalimtan na, ang Bibliya lamang ang nakapreserbar niini hangtud nga ang mga archeolo-gist nakapamatuod niini.

Ang UR usa lamang sa mga ehemplo nga gipamatuod-an sa kasibo ug kahaum sa Bibliya.

(3) Ang kahaum sa katumanan sa Bibliya nga prediksiyon nagpakita nga ikaw makasalig sa Bibliya. Ang kasulatan adunay daghang halandumon panagna sa umalabot nga panghitabo nga nagakatuman nga atong nasaksihan.

Atong gituki ang uban niining mabulokong nga tagna alang sa umalabot nga mga leksiyon.

5. UNSAON NATO PAGESABOT SA BIBLIYA?

Sa imong pagtuki sa pulong sa Dios, bantaye kining mga prensipyo sa huna-huna.

(1) Tun-e ang Bibliya uban sa mainampoon nga kasing-kasing kon imong dawaton ang kasulatan uban sa kasing-kasing ug hunahuna nga bukas sa pag-ampo, mahimo kini nga personal nga pakigtagbo uban ni Jesus. (Juan 16:13,14).

(2) Basaha ang Bibliya kada adlaw kini yawe nga magamhanan ang atong mga kinabuhi, ang panag-tagbo sa hunahuna sa Dios (Roma 1:16).

(3) Sa imong pagbasa niini, ipasulti ang Bibliya sa iyang kaugalingon. Pangutan-a unsay buot ipasabot sa manunulat sa Bibliya? Pinaagi sa pagdawat kon unsay kahulogan sa texto nga atong ika-aplikar sa atong kinabuhi karon.

(4) Tun-e ang Bibliya kada suhito, itandi ang kasulatan por kasulatan, gigamit kini ni Jesus nga paagi sa pagpamatuod nga siya ang misiyas!

“Ug sugod kang Moises ug sa tanang profeta iyang gisaysay kapila ang mga butang sa tibuok nga kasu-latan mahitungod sa iyang kaugalingon.” Lukas 24:27.

Pinaagi sa paghiusa sa tanan nga ikasulti sa Bibliya sa usa ka suhito, kita makabaton ug tukma nga panglantaw.

(5) Tun-e ang Bibliya aron makabaton sa gahum pagkinabuhi alang kang Kristo. Ang pulong sa Dios gi-hulagway sa Hebreohanon 4:12, ingon sa mahait nga Espada nga duhay sulab, labaw pa kaysa mga pulong sa usa ka panid, kini buhi nga hinagiban sa atong mga kamot aron sa pagbantog sa mga tentasyon sa sala.

(6) Paminaw samtang magasulti ang Dios kanimo pinaagi sa Iyang pulong. Kon ang tawo gusto ma-hibalo sa kamatuoran sa Bibliya mahitungod sa usa ka suhito, kinahanglan siya andam sa pagsunod unsay ginatudlo (Juan 7:17), dili kay kon unsay gihunahuna sa uban, o pagtulon sa ubang mga Igllesia.

6. ANG BIBLIYA MAKA-USAB SA IMONG KINABUHI.

“Ang sinugdan sa imong pulong nagahatag ug kahayag; nagahatag kini ug salabutan alang sa mga walay pagtagad.” – Salmo 119:130.

Ang pagtuon sa Bibliya magalig-on sa imong “pagpanabot” magahatag kanimo kalig-on sa pagbun-tog sa makadaut nga kinaiya, ug kini magapauswag sa imong physical, mental, moral, ug spiritual nga kinabuhi.

Ang Bibliya nagasulti ngadto sa kasingkasing. Kini nagadumala sa mga kasinatian sa pagkatawo, gugma, kaminyoon, sa pagkaginikanan ug sa kamatayon. Maga-ayo sa pinakalawon nga samad sa tawhanong kinaiya nga mao ang sala, nga nagresulta sa mga kagulan.

Ang pulong sa Dios dili libro sa usa ka rasa, usa ka edad, usa ka nasud o usa ka kultura. Bisan kon kini gisulat sa silangang bahin, kini usab naghangyo sa mga lalake ug babaye sa kasadpan. Kini magasulod sa panimalay sa mapainubsanon ug sa mansiyon sa mga adunahan. Mga kabataan nahigugma sa mabulukong mga sugilanon. Ang mga bayani nagpadasig sa mga batan-on.

Ang mga masakiton, ang mga masulob-on, ug ang mga idaran nakakaplag niini sa paglaum alang sa maayong kinabuhi.

Tungod kay ang Dios nagabuhat pinaagi sa Bibliya, kini adunay dakong gahum. Kini magadugmok bisan sa mga matig-a nga kasingkasing batok sa tanang tawhanong pagbati, magahumok ug magapuno kanila uban sa gugma.

Among nakita ang Bibliya nakausab sa kanhi tulisan ug gapanabako sa opium ngadto sa siloso nga magwawali. Among nakita ang Bibliya nakapausab sa bakakon ug tikasan ngadto sa pagkamaminatud-on ug matarong nga magtutudlo, ug amo kining nakita nga libro nga nagsakmit sa katawhan gikan sa ngilbit sa kamatayon (hikog) ug naghatag kanila pagsugod sa bag-ong paglaum.

Ang Bibliya nagapukaw sa gugma tali sa mga kaaway, makausab sa mga garboso nga mapainubsanon ug sa mga dalo nga manggihatagon.

Ang Bibliya nagalig-on kanato sa mga kaluyahon, nagdasig kanato gikan sa pagkahiubos, nagahumpay kanato sa kaguol, naggiya kanato gikan sa walay kasigurohan, ug nag-ayo sa atong mga kalaay, magpakita kanato unsaon pagkinabuhi nga madasigon ug unsaon pagkamatay ng walay kahadlok.

Ang libro sa Dios, ang Bibliya makapausab sa imong kinabuhi! Imong makita dugang nga kahayag samtang ikaw nagapadayon sa pagtuon sa mga giya sa pagdiskobre.

Ngano nga ang Bibliya gisulat alang kanato? Si Jesus mitubag.

“Apan kini gisulat aron motoo kamo nga si Jesus mao ang Kristo, ang anak sa Dios, ug nga sa pagtoo makabaton kamog kinabuhi diha sa iyang ngalan.”—Juan 20:31.

Ang pinakadakong hinungdan ngano nga kita kinahanglan masayod sa balaang kasulatan mao nga kini puno sa hulagway nga nagpadayag ni JesuKristo ug nagsiguro kanato sa kinabuhing dayon. Pinaagi sa paglantaw ni Kristo sa tibuok nga Bibliya. Busa nganong dili magsugod karon sa pagdiskobre sa gahum sa pulong sa Dios nga makahimo kanimo nga sama ni Jesus?